

明

史

明史卷七十七

志五十一

選舉七 銓選上

太祖倣古六卿分職以六部總天下大政凡任官之事文歸吏部武歸兵部而吏部職掌尤重始太祖亟于羅致天下士行科目令郡縣歲舉薦入太學人材輻輳京師足任使其奏對稱旨者不次擢吏部惟凜奉 upper 意銓授無成格迨後徵召廢不行異數鮮少官吏皆部選始駸駸有定制洪武元年設吏部尚書等官二十九年定吏部四司曰文選驗封稽勲考功皆系以清吏而文選特掌班秩品命升授注擬敘補之

事選人自進士舉人貢生而外有官生恩生功生監生儒士又有吏員承差知印書算篆書譯字通事諸襍流各釐其品式而進士為之首進士自洪武四年殿試畢授官不等二十一年始著例一甲授翰林官二三甲撥各衙門辦事以次除內外官已後有庶吉士之選庶吉士自洪武十八年選入翰林辦事始以後考選無定期俱由內閣送學士等教習業成乃留用洪武中令翰林院考駁諸司奏事永樂初開東閣命解縉等入直典機務遂陞侍讀學士等已用翰林官纂修不皆由進士景泰中陳循等私所舉以襍流

員進多失人天順二年大學士李賢請專選進士科
遂為制自後非進士不得入翰林非翰林不得入內
閣南北吏部及禮部非翰林不陞任由是庶吉士人
躋顯要其留用者雖科道等不能齊驅矣尚書胡世
寧疏言國初翰林多用徵聘之士永樂宣德來如楊
士奇張洪由王府審理教授黃淮劉鉉由中書舍人
鄒濟陳仲完由教職如此類者初選猶不授其後進
士初選即授庶吉士是教競而導驕也故初入仕有
夤緣美官之心既得除為持祿養交之計宜復舊制
照各衙門選補嘉靖間節奉詔旨內外官有學行純

並堪任官僚館職者兼推用輒格不行已定開試法
館員倍踰額萬曆三十五年大學士朱賡等請庶吉
士每選留九人而趨附者益衆其給事中御史從庶
常授者亡幾率取之内外合俸者在內兩京主事中
行評博及助教等在外推官知縣等有薦者俸未滿
亦同之考選以人缺多寡無定額凡授職皆吏部同
都察院注擬給事即實補御史試一年始實授嘉靖
三十二年令部屬不許改科道萬曆初停止十五年
吏部請以部寺各屬間改除有司陞部屬待科道選
從之先是舉人與進士同考嘉靖間令監生得與選

已皆罷不行自科道由考選勢日重時之躁競者往往營私躐進職其事者或容長情愛失其公平選法衰績業以耗廢明末風逾囂左都御史劉宗周疏言考選之役郎署中有自行陳乞者矣推知中有戒俸行取者矣是視臺省為必得之物也賑濟也建城也防河也而戒俸有至三年二年者是以臺省為微勞之勸也祈嚴勅考選必以恬競分別行之懷宗穗其獎每于一奏對定去取卒貿亂鮮實効積漸使然也考選外每年吏部六考六選凡引選六類選六遠方選二單月考序以給選雙月大選以補缺又單月為

急選其改授改降并丁憂候補者次入之惟初授職
及考定陞降者入大選其揀選三歲行舉人乞恩選
歲貢就教選歲無常凡陞職必滿考若員缺應補不
待滿者曰推陞類推上一人單推上二人惟內閣大
學士吏部尚書由特旨間一下廷推侍郎等及祭酒
吏部會同各三品以上廷推太常卿以下部推通叅
以下吏部于弘政門會選詹事由內閣各衙門各掌
印而遷除吏部悉掌之其大臣子姓不令在言路同
屬者則以卑引避仍改授始大學士楊士奇令三品
以上保舉始陞補己李賢言其弊仍歸部未幾霍韜

又言吏部之弊請五品以上皆會推說互異至景泰
後著為令布按缺三品以上會舉餘還吏部大約選
事不得不歸本銓吏部得其人而委任責成固無不
善也弘治中命四品以上官親檢除其權寢下移
緣內侍得職者以千計皆不由吏部謂之傳奉官正
德間傳陞益以夥嘉靖中土木禱祀之事作費銜安
悉旁午交發此皆叢蠹之尤者其後選舉日益乖往
往緣計簿飾虛文以相謾欺而銓法已極壞在外官
惟總督巡撫屬廷推當洪武時勅遣大臣循行天下
雖有巡撫名無常設迨後始專命巡撫總吏治已添

設總督提督經畧等至推鹽撫民屯田等皆特使所
設尚書輒倍之侍郎至四五人不等並兼都御史使
糾劾邊地兵備等率付勅敕陞仍管事知府及佐貳
亦如之其為有司者薊遼則昌平薊州等山西則大
同河曲代州等陝西則固原靜寧等凡六十有一處
俱為邊缺慎選除立功者越次擢貽悞者罪無赦內
地大率以序遷叅議遞陞叅政至布政僉事遞陞副
使至按察已捷陞不以次又額外多添設崔銑議之
曰官添則缺廣缺廣則易轉倖門一啟居亡固志事
至借限以逃責事成爭知而讓過今守巡之外別立

數銜皆高坐司署止以文移相維屬不亦濶乎抑非徒冗員也又苦代亟即善政美意誰適為治誠知其人或先超遷後久任誠善其政或先久任後超遷即淹序乘除與驟遷適等何必輾轉煩促乎蓋時有一歲中僉事至叅政四五遷者而京堂亦推恩日較濫陞例有正陞閏陞並勞陞才望陞挫折陞等文節既多復先襍沓附私者益以不可校洎其季屢旨察核卒亦莫之能禁也凡考滿三年給由曰初考六年再考九年通考綜其稱職平常不職三者奏請黜陟之大臣封廕出特恩其加銜賜資有常數餘注冊王官

則否諸部寺所屬皆署職考滿始實予外官率過考
以待覈襍考或一年或三年或九年郡縣之繁者降
簡一等不稱互調之凡考察京官自弘治時定六年
一察以己亥歲四品以上自陳候上載五品以下察
其致仕降調閒住為民者有差冊奏請欽天監御用
監等官則否外官三年一朝觀察從之以辰戌丑未
歲先期撫按總其屬考事狀造冊報目有八而察例
有四與內同凡計處者不敘用大臣不保舉南京例
同諸考課吏部考功司實贊決其振厲百官尚書首
任之而持風憲以激揚清濁都察院為之軍宣德時

擢顧佐掌院事。勅曰：都察院為朝廷耳目，國家紀綱，得人則庶政清平，羣僚警肅。爾母枉良善，縱奸宄，各道御史廉勤公正者，留用；贓罪者，降黜；員缺，選以充。弘治中，命都御史戴珊慎擇各御史，其內外官率以計典為最要。然或始相促急，寢怠弛，凡輕材下位，懷疑內顧，習為欺隱，而妄加採納，使虛誕者獲譽，拘謹者罹毀。於是法令滋彰，巧飾彌衆，而考課亦無以得其實。嘉靖末，御史毛愷疏言：京官考察止憑各衙門訪來，分近勢親，其情易私；臨外官尤難，此由毀譽之言易感受憎之情，易投也。其人而賢者，或因故有不

斛之勢乘隙有不白之情而屢負不肖跡其人而不肖或以小伎文其奸厚貌藏其惡又或反覆以搖衆說謫以持局而得冒賢者名此取舍所以不當也時之積弊太率如此宣德正統間科道九年有保舉陞知府監司無陞同知有特薦陞僉都侍郎等官部屬官有特薦者亦然凡外官考察府察所屬上下其考州縣以月計上府歲計上省三歲計上吏部當洪武初凡選州縣官以到任須知界之首祀神以次恤孤獄因田土制書吏典倉庫會計公廨等三十二條俾銓授者關讀遵將至官報如式否以達制論已下恤

民勅頒職掌于有司三歲入覲諸司冊上之定留用
官為三等治行卓異者為上召見賜坐宴稱職為中
宴亦坐不稱職為下不與宴屏立以示甄別制勅布
政司理所屬官察勤惰辦廉污綱舉須知事目按察
司察督之有縱官吏為暴者巡按御史立糾劾永樂
時瑜吏部曰守令出一時銓注豈必盡才其令巡按
御史及按察司精考郡縣吏半歲以上貪廉能否之
實其時出按者至郡邑即具報帝謂尚書蹇義曰御
史不博詢何由公宜嚴戒勅毋枉毋縱仁宗即位又
諭義曰御史非老成識治體者不任己命監察御史

付天下察吏治諭曰牧守多貪忍為尅害然有專為
脂膏而殘民有不善逢迎而得民有虐刑巧取而集事
有廉潔自守而政務不舉必究實聞自此外官以次
相廉察藩臬二司總郡縣高下而巡按又總之甚至
巡撫不敢專行布政而下日伺意旨為趨承有崖異
者胥起而擠之陰注下考壓抑矣故二司以下惟巡
撫之是聽職掌皆棄而不治至于州縣政令一稟于
監司雖瑣事輒斷以冒聽科條其節目下之使必行
數歲間藩臬諸大吏三四易而州縣承其猥率以徇
倖塞責其能遵奉者亦工文移以浮詞附和已耳高

吏部未言舊制有司三年考滿得平常不稱名令優任其緣事降職除名者許伸理其後人廣而途塞多立名色以汰之用以疏通選調而察黜頻煩初無裨益况巨奸老黠倚仗深巖又考察所不及乎宜令撫按歲會藩臬官面覆其人自辨實其說不果用而時之吏治亦逾衰嘉靖初夏言疏謂弘治前內外臣工相濯磨國家政務鮮不修舉正德以還貨賂公行而刑賞出于私天下遂蕩然不知名節行檢之可貴說誠然後之論者又以為選法實壞于納例夫以貢監正途而例得之則補授靡濫法亦以沮廢是以納例

起考法亦從之弘治間以被災納米令免考尚書王
恕曰考課之法以嚴吏治也各官廩祿有限而襍職
之祿尤微非取于公必剝于下是使考課法格不行
而貪黷之風日滋也斯言也諒矣哉神宗蒞政慎保
舉肅計典除閹考法孜孜于吏治已漸弛希御朝章
奏不一省萬曆二十年後推陞大臣至二十餘上不
報選司久缺吏事停閣行取考選累歲耽延舊擬科
道八十餘人時僅數人凡封駁抄發直廬巡視皆苦
不給按差輟二三年一代三十七年吏部尚書孫丕
揚以累奏沈閣疏求解職大學士葉向高奏言承平

無事人主嘗視士大夫輕而視官重及至有事士大夫亦視身家重而視官輕禍不忍言矣有旨慰留而遷補之淹滯如故時六卿奏事皆留中法紀日紊亂而門戶之禍起于京察舊例京察于正月舉行二月畢事時累遷至四月不得下于是被論者百計揣摩以為羅織有人致加玷黜其黨與為之撫拾剖辯主者又謂之撓亂要挾彼此紛爭而朝廷概無禁止聽其相角于是言官氣焰橫厲迭作二三柄臣惡其煩囂朝奏夕去不俟詔命而臺省益操予奪之權用以徇私交塞賢路其禍遂自此不復止時有齊楚浙三

黨迭與東林構難支分派引咎畛日多辛亥丁巳兩
京察擾攘多故從此黜陟大典胥借為報復之局黨
類排連戈矛互發而銓政一途不可問矣當洪武初
翁張羣材用法刻峻人心惴惴殫職守嗣此百有餘
年風厲名節嘉靖當正德之後俗稍漸靡士大夫猶
各嚴重持大體至萬曆時上操不信之心以待其下
下挾不忠之說以欺其上是非繆亂政事隳裂蓋明
之人材一壞于穀宗之蕩佚再壞于神宗之廢弛迨
門戶起其害相糾結者三十餘年至于國家喪亡而
後止皆萬曆間所釀成也天啟初趙南星為冢宰鄒

維璉夏嘉遇等佐之凡各直省司官缺欲其直省公會舉以極一時選先此孫丕揚行掣籤法有造籤計缺等弊請罷之以復舊制其違接所屬請嚴核不得舉劾失真貪酷漏網時尚一一稍振刷亡何權歸大璫盡天下名賢廢斥之顧以銓政起大獄而人材之彫喪極矣懷宗即位如意廓清與海內更始元年諭吏部今後藩臬郡縣等官照祖宗朝選期陞轉不許改調兼命巡撫務選周知民隱者畀以保釐加銜久任不得內外頗遷二年令內外增設官員悉出駢贅俾官省事清各修厥職三年詔以添註閑陞一槩停

止科道及吏部司官有才品兼優者陞監司次陞知府若才品勞勩兼茂及司道車異特著者做正陞例與京堂五年六年屢諭吏部館員應先歷推知其科道不必盡由考選七年用倪元璐議吏部先以治行考科道即送內閣選館員甲乙以文授官仍部議崇禎初吏事整頓如此已以兵餉重催科凡考選必先核錢糧又用戶部言以額徵責成撫按命御史回道嚴核撫臣歲終奏奪劉宗周奏書有司以培克為循良而撫字之政絕上官以催徵為考課而黜陟之法亡皆利啟之也功利之見重而廟堂之上不勝其煩

頃者嚴賦吏之獄而貪風不盡息導之者未善也帝
迂其言不能用時帝汲汲求賢冀得一二以安內攘
外而其下黨同伐異僅以名位相軋不復國家為意
執國柄者曲意迎合幸免督過一切政事惟上所向
無駁議執奏之事部曹皆因仍故習互為隱覆而大
小職業率已頽廢帝乃欲大破成格以圖振起有武
舉人陳啟新者乘間上言天下三大病首以科目取
士資格用人為非遂立授吏科給事中而言路亦有
言邊疆衝道皆用乙榜不及進士為銓法之終偏者
于是行保舉之法亡論貢監吏士皆得授守牧官十

三年又以吏部考選不列舉貢特命貢士并歲貢二百六十餘人俱于部司及推知察補而先後奏對多以稱旨立峻擢其操縱機權加恩不測似與太祖太宗等而中外之績業無聞蓋常材而蒙異數未為得當也帝鑒熹宗失務綜覈于人材未嘗少縱舍然當天啟之後元氣銷鑠而後加以嚴密吹毛索癰欲以得非常之人致非常之用天下之適而去者多矣倪元璐曰今之人情率有四逆弗縮胸多畏曰揣摩善規曰畫畔自了曰悠忽自廢循此四者誤國有餘其何以收非常之功乎蓋神宗熹宗時宜少嚴也而失

之弛縱懷宗時宜少寬也而失之煩苛寬嚴相反各
非其時明之亂亡以此而門庭水火則尤其敗壞之
由馬耳始明設庶司纖悉具備成化後納例寢浮益
以資格相限制凡監生祇授閒散官不得與民社其
儒士差與監生比譯字書篆等略與儒士同辦事後
優優敘止序班即纂修不破格而音樂陰陽醫學僧
道等皆有專司不與選襍流惟吏員為最夥先者設
司吏後設掾史令史等已設提控都吏典吏胥吏獄
典攢典酌繁簡為定額永樂二十二年嚴核減正統
後數加裁汰在京各衙門吏典猶三千二百六十餘

人由外咨內者分急撥大撥以充缺仍以揀撥互行之缺繁存揀撥缺簡入大撥不許假効勞免覆考凡考外以二內以一為考滿其出身在一品衙門者與從七品而遞降之至從九品止凡轉補亦按衙門遞進之自京衛經歷至吏目止降則以鹽場驛遞開壩稅課河泊等官及邊遠祿職無補授承差于三司送部辦事二年選祿流知印以宗人府五府考中者除從八品餘少殺通事亦如之皆不及吏典若六部諸司都吏各一令史典吏多寡不等勾稽注籍皆出其手叢弊殊甚崇禎初御史有言胥吏一途冒濫多而

為數既煩，鑽營巧而出選，更易其所踞，強半皆貢監之席也。今冗員既除，選途較窄，此輩之神通依然如故，而壅塞之苦，貢監受之。平明題敘與出選之時，可不嚴為沉汰乎？令非實歷正額者，不與官而各吏皆津津戀却，缺不以選為事。先是例初起納者，衆令上糧者先上選，已創隨到隨考法。又有挖年取捷為挖選、枝官散吏蹊徑百出，而納例襍其中，銓法之所以日亂也。國初籍天下富戶至京師，太祖意以殷實者少，貪墨校材而用之，迄乎標季，取其資不復量其能，故濫觴一至此。懷宗五年嚴禁止，已海內多事，人盡

絕意罕求進其納例亦不復舉云

明史卷七十八

志五十二

選舉八 銓選下

太祖以武功定天下置五府皆交司衛所各軍職以控制中外兵部尚書籍而掌之屬以四司曰武選職方車駕武庫而武選特掌除授陞調襲替功賞之事凡武職有世官有流官世官九等曰指揮使及同知僉事衛所鎮撫正副千戶百戶試百戶皆有襲替職流官八等曰都督及同知僉事都指揮使及同知僉事正副留守類以世官陞授或兼武舉用之洪武二十六年定例凡陞授調補復職皆由部覈實請旨永

樂初令有功陞都督都指揮及見陞者與流官其千百戶等與世襲國初武職率以勲舊其後叅用將材三歲武舉六歲會舉歲薦舉隸之兵部以次除授凡大選宣德三年奏定條式一色目二狀貌三才行四封贈五襲廢仍具保勘憑考核始設官有定制其後陞授滋廣分現任帶俸不拘額而未實授者有署職試職納職之別凡署職加本職一級准半之不支俸試職作一級俸半之非軍功未實予都指揮以下擬陞五府以下署職者有勞績並從原職加陞雖恩典不實授各都司僉書及內地叅遊等悉如之在外衛所

官以指揮陞都指揮者仍改註以千戶功陞者不列銜納級者雖有功俱于原銜所帶俸諸不由銓投保薦朦朧奏請及乞恩傳奉~~祖~~襲選法者傳以罪始太祖慮世職有不率以武士訓戒錄大誥武臣錄頒之太宗時屢勅諭軍政號嚴肅已法紀隳壞選用紛襍成化中添設旗軍校尉勇士等正德間冒功陞授三千有奇嘉靖中霍詹事韜疏言太祖之設軍職也成化中增四倍今又幾倍矣以錦衣一衛言之初額官二百有五員今千七百員增八倍矣洪武初軍功襲職令軍功子弟年二十者比試初試不中聽襲職署

事食半俸二年再試中者食全俸仍不中降充軍法
至嚴故材勇者擢庸劣者黜職不冗而俸易給自永
樂來新官免比試舊官即比試賄賂無不中此軍職
所以日濫也永樂中克平交趾祇賞賚無陞職逾年
奏捷獲馘者陞矣奏帶者緝妖言捕盜者陞矣巧冒
陞遷此軍職所以益冗也宜命大臣循清黃例盡內
外武職差次功等考其祖宗相承或叔姪弟兄繼及
或洪武永樂年間宣德以復塲或內臣弟姪恩蔭或
勲戚駙馬子孫或武舉取中各分數等嘿寓汰省之
法許世襲許終身或許繼不許繼各具籍冊昭示以

激勸于是命給事中夏言等查覈冒濫言等疏言弊有三奏帶之數太多紀驗之次失實而武功之法盡壞也鎮守官奏帶例止五名今至三四百名故一人而奏帶數處者有之一時而數處獲功者有之他復巧立名色紀驗不加審覈銓選又無駁勘其改重陞併功加授之類弊端百出宜盡革以昭神斷部核如議而宿蠹乃清蓋勲閥世胄荒于職掌而府衛為虛設駟僉之姦得相蔓引以窳其中漸使然也凡會推五軍都督府掌印缺于見任公侯伯推二人僉事缺于帶俸公侯伯及在京都指揮在外正副總兵推二

人錦衣堂上官及前衛掌印缺照五府例推二人都
指揮留守以下上二人正德十六年令五府及錦衣
衛必由都指揮累著勲庸許陞授諸衛官不以世獨
錦衣以世無令掌招獄嘉靖中令部試擢二人始奏
用鎮撫司員缺于衛鎮撫銓補五府官于本衛推用
各都司掌印僉書官聽鎮巡以下保舉而奏請除授
悉兵部掌之各直省設都指揮使司二十一留守司
二衛九十二守禦屯田都牧牛戶所二百十有一以
至苗蠻設土司不等所屬上之府移部聽選仍移府
下之都司衛所而首領官亦有隸之吏部者永樂初

增立三大營設管操官各哨有分管坐營官坐司官
景泰中設團營十已設有十二後設三各有坐營官
命親信大臣提督之嘉靖中令提督不與推坐營許
推用顧自成弘來勲將用事廣思倖冗員既多納級
者復猥瑣滋甚裁汰以數千計萬曆十五年詔令嚴
加察核又諭非世職武舉不許領勅管事及推舉咨
用獎少減而每年六選選祇五六人武舉仍壅塞不
得進萬曆二十三年議將武舉在京衛者送京營在
邊腹者咨督撫酌量委任三十九年令三科武舉先
給劄付齎投督撫三薦始陞用四十四年兵部又議

正薦者次錄之其提薦揭薦以二准一分數則世職
七之科三之舊科于世職內量用一人三科有薦者
于武科內間一酌用至于出身行伍祇論戰功凡戰
功奇功為上首功次之首功四等先選北次遼東次
兩番苗蠻次內地而遞補復不易大約明季武途有
四曰實職曰武舉曰行伍曰納級時選政稠濁蠹弊
日增神廟中令提鎮科道會同兵部品年資課技藝
序薦刻分為三等名曰公選然司其事者皆飾取虛
名未求實効此選法之所以逾壞而釀禍于後也凡
軍政成化二年令五年一行以見任掌印帶俸差搽

及初製職官一體考選十三年令兩京通考以為常
五府大臣及錦衣衛堂上官自陳請旨已命各直省
總兵官亦如之在內五府新屬並上直衛所官悉從
巡視官及部官注送在外都司衛所官憑撫按造冊
繳部副叅以上千戶以下屬都布按三司察註由撫
咨部叅詳類奏其與選者孝陵衛官自弘治十二年
始錦衣衛官自正德十年始騰驤四衛官自嘉靖八
年始洪永間管軍百戶自嘉靖九年始內外衛所吏
庸者即令承替自隆慶六年始內外員皆有定額無
增減臨期不許輒更調錦衣衛管戎務者倍加嚴考

南北稍次之各衛所及各地地方守禦並各都司隸之
巡撫者選例同惟管漕運不與考若屯田于考選時
擇其廉幹者萬曆元年通行各撫按衙門以掌印管
屯為主有幹濟先註用其膂力堪抗禦委各路管軍
餘充差各衙門俟保薦推用凡役占軍士缺班額欠
屯糧失盜領運干犯皆依例降級有差營求囑託者
立黜之永帶俸萬曆二十四年兵部題請京營將領
三年一揀選坐營以下通傳考察八月又令武臣以
任責成崇禎時屢飭兵部將勲衛等官廣咨嚴核以
昭勸懲然亦隨牒注擬行五年故事而已武官爵止

六品其世職歿者襲老疾者替歷世久多故絕以旁
支繼族屬踈遠者名犯堂例不許限以年六十子替
職洪武間定以嫡子襲替長幼次及之絕者嫡孫庶
子孫次及之又絕者以弟繼永樂後取其官舍旗軍
餘丁曾歷戰功者令原帶俸及管事襲者悉因之其
降級子孫仍替見降職事弘治時令旁支減級承襲
正德中令旁支入總旗時冒濫日衆嘉靖間始革其
傳陞乞陞者令照小旗例收充并鎗有功乃陞授其
旁支無功者不得保送凡陞職官舍照父級其陣亡
保襲者許流官一等並查皇親官員子孫黃選有欽

依者襲一輩內外銜所試職署職官獲功止實授冒
陞及越陞皆戒革其納級不准襲侍衛將軍襲替亦
違降應役者克校尉不及者與力士止一輩凡襲替
官舍以騎射試之洪武三十一年以後為新官子孫
出幼者免比試以前為舊官俱比試其以旗役錄用
者仍併鎗陞降之凡世職難稽覈故例特詳而長弊
叢奸卒無能得其用始太祖慮後世武臣有不軌為
之損事權使大小聯屬相控制軍旅不得擅調發或
以文臣專治之曰總督曰提督或與總兵兼治之曰
贊理次曰監軍曰贊畫並以部員佐其事邊塞重地

總兵稱將軍予以印否則大征討始授之已仍綴諸
衛所不得私自下符檄指揮以下巡撫得咨部進退
之數十年間海內晏安不用兵革舉大小軍職皆俯
首帖息聽命于文吏顧其時巡撫皆握重兵掌戎務
兵上下得指使往往能奮其力以討叛逆平寇盜神
廟以降撤武備者五十餘年崇禎當廢弛之後流賊
蹶起欲振興武職有鎮七撫三之議于是巡撫勢日
衰而地方仍舊有其責有失陷率加以重罪而總兵
不之問玩帥失衆至流寇蔓延而不解所由來也當
成弘之際凡京營邊鎮類以中官監視相為掣肘懷

宗時數撤數遣既以猜疑待天下而欲憑武選以啟功名之途收將士之用豈有少益哉崇禎十六年諭兵部謀勇之將加意遴選有功績者不時列奏且令卓異諸臣選入樞曹者一同詞臣臺省陞遷比他選獨優其于武途揚厲過當與或得人材成大功而時已不可為矣當其始防馭太嚴使武臣皆受制于文臣故二百餘年將士皆兢兢奉法一無擁衆恃強圖為不逞之事然皆不能展其志雖有大帥立功邊鄙並以金錢結納朝士要非有戰勝攻取之殊績其後假借太濫武臣驕恣不用命文臣又力無以制之而

僅相推諉飾功掩過幸免于督責此明之所以敗而
抵于亡法雖具而謂之無亦可也其文臣任子畧與
武職襲替等由嫡子及其孫與弟皆以序而恩降五
等一品正廕子五品正從次之遞降至七品凡三品
以上考滿得敘者為官生出特恩不限品者為恩生
有補廕有改廕初授率中書舍人等考既滿陞銜仍
辦事其授部員歷俸六年者遞進萬曆初命官恩生
出身者果歷任賢能藩臬京堂許推用然束于常規
未能躡進往往添註加銜至太常卿而止至宗職始
列宗學為宗生已許奉國中尉以下與鄉會試萬曆

三十四年李廷機議封爵科目原屬兩途今既從科目應照士子一體銓選于是部議以中式者二甲選知州三甲選推官知縣鄉舉亦例補俱不補京職崇禎八年議以宗秩換授禮部署侍郎陳子壯疏言今謂進士豈必賢于鄉舉則鄉舉豈必賢于貢監貢監豈必賢于齊民夫然天下胥為齊民以待舉已耳何必辛勤計偕乎今宗藩中將軍中尉有祿食之貴誰肯避逸而趨勞而謂將有劉向李勉趙汝愚之才未必然也按洪武定制未嘗以換官職與科目並著惟賜掾納先罷前議懷宗怒下之獄仍令部議宗室中

有文武才考驗換授九年禮部議以宗才薦舉由保
舉長史啟親王核勘以聞下部咨詢分差等策問或
召對然後因才以授官在外府佐州縣正及教職在
內部曹及中行評博陞轉如常例聽撫按舉劾顧其
後績業罕著官爵鮮通顯宗職亦遂以停罷大約明
自洪永來文以制科武以世勲文武率二途已耳因
沿日久蠹壞叢集重以末季寇患交訌一無可恃于
是大破資格異途雜流皆力推引上而宗室下而編
氓無不採錄冀得一二才俊以資其用而顧嘗試無
一効術逾窮而材逾絀勢遂陷危不可救夫自古世

之治亂勢而已矣勢在下雖天下有所恃而其衰也
輒有強藩叛帥之患勢在上海內拱手奉一尊而其
亂也遂文弛武玩相退縮以迄于亡蓋祖宗之任人
網張目舉未始不極其用而後漸以凌替也崔銑嘗
論之曰國家有漢之全盛無其強無宋之苟安類其
弱皆由士業草率登仕太易鮮治經世之學官多牽
制遷代太數不予專斷之權斯其盛衰之故也哉故
畧次其本末俾後有考焉！

明史

地理志敘

自黃帝畫野分州唐虞建牧設服沿及三代訖於唐
宋廢興因革天槩可考而知也元起於漠北城金亡
宋混於中外其疆域之廣爲亘古所未有累傳以降
疆德不綱羣雄鼎沸明太祖奮起淮甸首定金陵西
滅陳友諒遂靖湖湘東兼張士誠克平吳越然後遣
將北伐先取山東兼收河南於是進取元都幽燕底
定復遣軍四出芟除秦晉訖於嶺海最後乃盪平巴
蜀收復滇南禹跡所界庶幾盡入版圖矣初時改易

元制肇建京都洪武九年復盡革元行中書省爲布政使司十五年又改置雲南布政使司計京師十布政使司十三以分領天下府州縣及羈縻諸司之屬又於京師置五軍都督府十三司置都指揮使司以綜領衛所番漢諸軍其邊圉疆索則增置行都指揮使司用以安內攘外經理綦密矣太宗起自燕藩入承天統奮其武畧北逐亡元南平交趾又西固哈密東衛合蘭營北京增設交趾貴州二布政使司然大寧既棄東勝復移漸滋肩背之慮宣宗以交趾僻在遐荒遂棄於黎民與民休息未爲失策但開平一衛

南徙獨石邊備米免益疎二十年中遂成土木之變
成敗之間紛更差步武宗盤遊釁孽屢作幸無大故
及世宗嗣位西北兩邊驛騷相繼初年棄哈密既復
棄河套而倭寇縱橫東南皆爲之糜爛識者謂履霜
堅冰明祚不延實兆於世宗之世也穆宗之季邊患
稍弭神廟冲年踐祚初政庶幾可觀逮於衰晚邊事
怠弛輿尸屢告再傳而外釁內訌縱橫竝作萬方塗
炭四海陸沉天下事遂至於不可復爲此雖謀國者
之不臧抑亦天命有廢興歟大約明之盛時爲直隸
者江白涼師曰南京爲布政司者十三曰山東山西

河南陝西四川湖廣浙江江西福建廣東廣西雲南
貴州其分統之府凡一百有四十州百有九十三縣
共四百三十八又羈縻府十九州四十七縣六編里
共萬九千五百五十有六戶九百三十五萬二千一
十有五口五千九百九十五萬八百有一而兩京都
督府分統各都指揮使司十六行都司五留守司二
其所屬衛共四百九十三所二千五百九十三守禦
千戶所三百一十五又土官宣慰司十一宣撫司十
安撫司共二十二招討司一長官司一百六十九蠻夷
長官司五至藩屏中夏稱重地者則爲九邊曰遼東

薊州宣府大同榆林寧夏甘肅太原固原皆分統衛
所關塞環列軍戎

邊防隨地附見故不重列

蓋國初封畛東起朝

鮮西接吐蕃南至安南北距大磧東西一萬一千七
百五十里南北一萬零九百里訖於嘉靖以後則東
起遼海西至嘉峪南至瓊崖北抵雲朔東西萬餘里
南北萬里其升降之差沿革之實可得而紀焉爲地
理志

明史卷七十九

志五十三

地理二

京師古幽冀地秦爲上谷鉅鹿漁陽右北平四郡西漢分屬幽冀二刺史部晉曰幽冀二州唐曰河北道宋曰河北路而白溝河以北則沒於契丹金初置河北東西路尋又爲中都等路元置中書省統山東西及河北地洪武元年兵臨大都元主北遁九年置北平等處承宣布政使司北至宣府外爲邊地東至遼海與山東接南至東明與山東河南接西至阜平與山西接統府八州二屬州十七縣一百一十六有奇其都司所領衛

所諸司有實注
者俱附見後
永樂元年建北京稱為行在十八年

始定都焉改布政司為直隸洪熙初仍稱行在正統

末年始定為京師

順天府

古燕冀地漢廣陽國晉范陽國北魏幽州唐

大興府元初曰燕京路尋改中都路
而大興府仍舊又改曰大都路
洪武元年為北平

府永樂初建北京七年改北平府為順天府太守曰

井永樂四年於府城中建宮殿修城垣十九年始告

赤曰紫禁城其正南門曰午門門亦名承天門東曰東

城門西曰西華門北曰玄武門城以內宮禁其為宮

門門之東曰長安左右門東曰東安西門曰大明
北城門城以內百官廨舍列焉皇城之外曰京城周
圍四十里有九門正南門曰麗正門正統初改曰正

陽門南之左曰文明門後亦曰崇文門右曰順成門
後亦曰宣武門東之南曰齊化門後亦曰朝陽門之
北曰東直門西之南曰平則門後亦曰阜成門之北
曰郭義門後亦曰西直門北之東曰安定門之西曰
德勝門城以西皆坊市環列之地也嘉靖二十三年
平築重城包京城南面轉抱東西角樓長二十七里
為士門正南門曰永定門其旁為左安門右安門又
東曰廣渠門東便門西曰廣寧門西便門四十二年
又增修北門甕城蓋南襟河濟北枕居庸左領州五
環滄海右擁太行京城形勝實甲天下云
縣二十二年而直隸府起縣花七
有大通河亦曰通惠河先人所開運河也又盧溝河
在南即桑乾河發源山西蔚州流入界出西山為盧
溝河一名武清縣小直沽入宛平縣唐析蔚縣置幽都
梅一潭河亦曰小黃河宛平縣遠曰宛平有盧溝
橋王平口釋家莊石港口四巡檢司西有西山良鄉
沙河高梁河文清河及古車箱渠皆在西北山良鄉
漢縣本在涿州北五代唐移縣於固安曰固安元升
此州東有漢廣陽廢縣

為州洪武初復為縣東南有方城故縣永清漢益昌
久拒馬河在縣西南即易水下流也
永東安漢安次縣元白東安州洪武初降香河武清
清東安為縣西有故常道城南有易水
縣通州漢洛縣隋通州唐幽洪武初為通州有和
置通州之洛縣金置通州洪武初為通州合驛
萬曆四年移張家灣改水驛另有洛河水驛有弘
存橋巡檢司有東西二倉貯東南清運州東有孤山
終有州距府城四十里領縣四三河驛西有鮑
白河州北有河武清漢雍奴縣唐曰武清有河西水驛
河有北河武清漢雍奴縣唐曰武清有河西水驛
立巡檢司西有故雍奴城東南有故泉州鄆縣連
城又南有泉州渠在縣南又東南有直沽海口鄆縣連
郡陰縣元曰鄆州洪武初降州為寶坻金置縣於新
縣西有延芳淀又有東林柳林
倉銀縣有鹽有蘆臺巡檢司東有潮河又縣霸州上
西南有馬城守禦千戶所建文二年燕王置霸州
登地漢屬渤海唐幽州永清縣洪武初以州治益津
地五代周始置霸州後因之

縣省入有州北舊有巨馬河南有沙河又東仍曰霸州

州距府城二百十里領縣三文安有漢縣西大城東

縣舒縣五代唐白大城保定宋置保定軍尋降涿

州燕涿邑漢置涿縣唐改為范陽置涿州洪武初以

州治范陽縣省入又有涿鹿驛西有獨鹿山北有涿水

才味州距府城百四十里領縣一房山金置萬寧

縣有磁家務巡檢司西有太昌平州漢軍都縣唐

元屬大洪武初屬北平府永樂中屬順天府正德元

年升縣為州旋罷八年復升為州舊治白浮園城景

縣遷於城內有榆河驛嘉靖三十四年改隸永安

城西北有天壽山太宗以下陵寢所奠也南有白浮

山西南有駐蹕山又南曰榆河東南曰濕餘河又州
西北有居庸關城古亦曰軍都關州東南曰有華
城嘉靖十九年築東北又有黃花鎮弘治州距府城
中置渤海守禦千戶所於此以衛山陵州距府城
九十里領縣三順義州北奔置歸德縣唐以後為順
初自順天府改今屬有順義馬驛東有懷柔唐置金
漢狐奴廢縣又東有白河西南有榆河懷柔曰溫陽
縣元廢洪武初復置今縣正德初自順密雲後魏置
天府改今屬東有黍谷山西有白河順密雲隋唐以
後皆為檀州洪武初州廢正德初自順天府改今屬
有密雲驛南有漢白檀廢縣東南有庫真廢縣又南
有白檀山東北有霧靈山又白河在西潮河在東以
關隘則古北口石塘嶺關牆子嶺關並在縣北以
薊州古燕國秦漢漁陽郡遼全元因之洪武初以州治漁陽
縣有山東北有北平城雄武城又西北有
薊門鎮又有州距府城二百里領縣四玉田縣唐曰終

玉田有陽樊驛東北有無終山徐無山又東有黎河
北有庚水東南有興州左屯衛永樂初自故開平境
移置豐潤金折玉田縣置有義豐驛北有遵化五代
於此豐潤漢土垠後唐二廢縣南有沙河遵化唐置
舊有鐵冶遠置景州金州廢有遵化驛東北有五峰
山南有靈山及龍門峽又東有灤河西南有黎河
縣北又有喜峰口漢縣晉廢金復置西北有漢
馬蘭峪松亭簿關平谷滑鹽廢縣東南有洶河又有

有夏謀澤

保定府

趙國地漢涿郡信都中山國唐為洪武初改

為府領州三縣十七而直隸府之縣凡九自府至郡

城三百五十里

清苑

倚漢樊輿縣地隋置清苑縣

臺有驛又有涇陽驛嘉靖元年設有張登巡檢司東

南有漢樊輿廢縣南有樂鄉廢縣北有徐河西有清

苑滿城後魏永樂縣唐曰滿城舊安肅宋置縣金為

有方順橋巡檢司後革安肅州治元

廢縣存州洪武初改州為縣有白水溝驛東南有故遂
城縣西南有廢城北新城唐
又有定興金折范陽縣置有宣化驛有河陽新
龍水定興金折范陽縣置有宣化驛有河陽新
先曰新泰州尋復故洪武初屬南雄州六年改
今屬有汾水驛東有廢新昌縣南有白水溝河
白歸義五代周置雄州為縣治焉宋改縣曰歸
縣省入州六年改州為縣治焉宋改縣曰歸
有廢京城後漢末公孫瓚所築也又白水溝河亦
縣北南有易水亦曰瓦溝河亦在
焉容城漢縣唐亦曰容城唐漢舊縣有倒馬關
年華又周家鋪口軍城鎮兵嶺口舊有軍城驛萬
北有中山廢城又有大茂山即恒山異名也又
在縣西源出恒山流經定州白溝水下流合
平南易水又西北有創馬關古曰鴻上關慶都
都縣隆白慶都有程城博野後漢博陵縣後魏
驛西有慶都故城城博野後漢博陵縣後魏
年改今屬西北有博水
南有唐河亦曰港水

潞城石完漢北平縣金曰永平縣尋改置完州洪武
趙置二年改為縣東南有秦所置曲逆故縣又
漢北平廢縣在縣東又廢陽城亦在東南西有伊祁
山平廢縣在縣東又廢陽城亦在東南西有伊祁
○鄆州別置祁州治無極縣宋改義豐曰蒲陰移祁
州治焉洪武初以州治蒲陰縣省入廢縣北有唐安國
元因之洪武初以州治蒲陰縣省入廢縣北有唐安國
西有南沙河又解州去府城百二十里領縣二深
潰亭在州東北州去府城百二十里領縣二深
澤漢南深澤縣後魏東鹿故縣唐曰東鹿東北有
縣白深澤西有滋河東瀛州地宋置順安洪武七年以
河在南○安州軍金曰安州元因之洪武七年以
州治葛城縣省入又降州為縣十四年復為州北有
西有徐河又州距府城七十里領縣二高陽漢縣
有遺吳河又州距府城七十里領縣二高陽漢縣
馬家河宋有高陽新安金渥城縣元曰新安洪武七
關一名草橋關新安金渥城縣元曰新安洪武七

○易州漢涿郡故安縣隋置易州尋罷唐曰易州上谷郡契丹亦曰易州金元因之洪武

初仍為易州以州治易縣省入有清苑馬驛有金坡

虎嶺官座嶺奇峯嶺口三巡檢司今革東南有舌范

陽縣又有廢武陽城西南有孔山又有五迴山亦曰

五迴道又有齊嶺山西北有窮獨山瀉水所出東南

合易水又易水存州南出州境之於西山與瀉水並

東流而為白溝河所謂北易水也又有雹水出縣西

東南流合於瓦濟河所謂南易水也州西又有紫

荆關在紫荆嶺上又西南有州距府百二十里領縣

一涑水漢道縣隋曰涑水有黃莊巡檢司萬曆十

石嶺又有涑水亦曰巨

馬河下流合白溝河

河間府晉之東陽漢河間國隋河間郡唐瀛州河間郡宋曰河間府元曰河間路洪武初

復為府領州二縣十六其直隸府之縣凡十自府至

都城四百十里河間倚高奔置縣有瀛海馬驛有
故武垣縣東北有廢東州縣及州鄉廢縣西南有
沱河西有沱水即易水支流也又府西北有君子館
獻漢樂成縣隋曰樂壽金置壽州尋曰獻州洪武初
司今華東南有漢景成廢縣漳阜城東有漢蒲領廢
沱河在其西南有漢文有南單家橋阜城東有漢蒲
縣其胡盧河在縣西北肅寧金折河任丘莫州治此
即禹貢所云衡漳也肅寧金折河任丘莫州治此
元屬冀州洪武七年以州省入有鄭城驛舊有新中
驛後東北有冀州城又西有高郭廢縣東北有長豐
廢縣又西北有冀州城又西有高郭廢縣東北有長豐
河下流為五官淀注于漳沱河交河莊二驛有泊頭
鎮巡檢司北有漳沱河西北有高河以二水交流而
名縣南又有漳河亦曰枯澤渠又衛河亦在縣東上
流自山東德州流入界下流合青唐曰乾寧軍宋曰
於潯沱又衛河西岸有泊頭鎮青唐曰乾寧軍宋曰
府尋復降為州洪武以州治會川縣省入七年又改
州為青縣有流河驛東有蘆臺城又有衛河潯沱河

自縣南流合焉謂之岔河口其支流經興濟宋縣有
縣北者曰獨流河又有堅固砦在縣南與濟乾寧驛
衛河在靜海天金置靖海縣洪武初改今名有奉新驛
城西故砦宋置東北有軍糧城元所置也又衛河北
有當城故砦宋置東北有軍糧城元所置也又衛河北
在城西北與天津沱合流至縣北小直沽入海又有丁
字沽亦在縣北其東又有城永樂二年置為南北衝要
航縣北又有天津衛城永樂二年置為南北衝要
津相傳即古馬河○景州宋曰永靜軍金亦曰景州
州尋改觀州洪武初以州治舊縣省入安陵宋門兩
元復曰景州洪武初以州治舊縣省入安陵宋門兩
巡檢司東有安陵故城又有龍額弓高二城西北有
脩市廢縣又衛河在東其東北有胡盧河又有李晏
顏州距府城百八十五里領縣三吳橋窩驛西南
有漢重谷廢縣又漳河舊在縣東縣西有衛河此
漳河支流附衛河水入海者也又東北有兩津枯河
港縣南有衛河漳故城元置南有衛河自山東武

河○滄州漢渤海郡地北魏曰滄州唐曰滄洪武初

以州治清池縣省入有磚河驛舊有長蘆城及漢參戶廢

縣又故清池城在東南東北又有廢饒安縣及乾符

廢縣東濱海西有衛河漳河又西南有古屯氏河俗

曰毛河又有無棣州距府城百五十里領縣三南

河東南有浮河高樂廢縣西南有隋臨津廢鹽山高

漢縣衛河在其西東南又有古黃河及毛河鹽山高

縣隋曰鹽山北有漢合騎城東北又有廢千童縣

東濱海產鹽有鹽山天南有古黃河東北有源榆津

廢雲隋無棣縣元分縣北境地屬滄州洪武八年置

陽信廢縣又有古黃河
不無棣溝亦在縣南
真定府古鮮靈國漢真定國隋廢唐置恒州恒山洪
我初復為府領州五縣二十七而直隸府之縣凡十

自府至都城六百三十里真定倚漢縣有伏城驛
縣改屬天有恒山驛南有故東垣城北有新市城潯
沿河在城南上流自山西孟縣流入境下流合衛河
至靜海縣入海又北有滋河亦自山西靈丘井陘漢
縣流入界下流合於南易水又西有承天寨井陘縣
有陘山驛東北有陘山宋置天威若於此東南有城
山又南有綿蔓水東南有甘洵河又故關在其西
獲鹿廢縣又有抱犢山西屏山西南有井陘水今涸
又井陘關在其元氏漢縣西北有封龍山泚水所出
西亦曰土門關元氏漢縣西北有封龍山泚水所出
其下流靈壽漢縣有入頭鎮巡檢同西南有漳沱河
曰野河靈壽漢縣有入頭鎮巡檢同西南有漳沱河
從此衛水也俗名雷溝藥城南有宜安城肥壘城北
有潞水藥城驛關縣後漢白樂城有冶河無極漢毋
河滋水藥城驛關縣後漢白樂城有冶河無極漢毋
唐改海曰無東北有苦陘城又西北有新平山隋置
後魏所置也南有滋水又康臺在其西

縣唐曰平山舊有十八盤下口林巡檢司今革東南
有故蒲吾城西有北有房山亦曰鐵山東南有叱日嶺
又北有清池河東北有長鎮在縣東河阜平縣折唐
也西有清吾渠又有天長鎮在縣東河阜平縣折唐
舊有洪溝巡檢司今革東北有龍泉關大茂○定州漢中山
北魏定州隋博陵郡唐定州博陵郡改國
陵郡宋曰中山府金元因之洪武初復曰定州以
州治安喜縣省入今永東有安陰廢縣又有廢固城
東北有新處城西有嘉山西北有狼山又瀉水莊州
北赤名恒夷水即唐縣之度河也天沙河在南亦流
合於瀉水文西北有倒馬關與紫荊居庸為州距府
內三關也永樂初置倒馬關守禦千戶所為州距府
城百三十里領縣三新樂隋縣有西樂驛西南有
臺曲陽漢上曲陽縣高齊曰曲陽恒山在西北恒水
縣南自山西繁行唐兩嶺口巡檢司西有滋河有
時縣流入境

冀州晉之東陽漢信都縣隋信都郡唐冀州信都郡宋亦曰冀州金元因之洪武初伯

曰冀州以州治信都縣省入西有扶柳故城西北有

廢縣東南有辟陽廢縣又北有洺水禹貢導河北過

北州距府城二百八十里領縣四南宮漢縣舊南

檢司今革漳水在新河縣宋棗強漢縣東北有漢廣川

西北有洺水在北又有索盧水亦武邑漢縣東南有觀

北有洺水在北又有索盧水亦武邑漢縣東南有觀

陽廢縣又有洺水○晉州唐恒州鼓城縣宋屬祁州元

水西北有漳水○晉州唐恒州鼓城縣宋屬祁州元

置晉洪武初以州治鼓城縣省入漢下曲陽廢縣在

國亦曰晉陽東南又有漢臨平故縣又南有漳州距

府城九十里領縣三安平漢縣西南有漳沱河丘饒

有	黃	米	即	此	隆	城	高	江	平	也	因	洧	陽
五	沙	桑	派	高	平	亦	邑	十	棘	口	以	也	漢
馬	嶺	臨	城	邑	亦	漢	其	里	縣	趙	名	縣	縣
山	恐	城	唐	城	漢	漢	南	領	省	州	武	於	有
天	檢	山	縣	北	廣	阿	為	縣	入	郡	強	此	魯
城	司	西	東	有	阿	縣	平	六	南	東	南	縣	口
北	今	南	南	黑	澤	唐	秋	柏	有	北	東	北	城
有	華	有	有	水	即	白	亭	鄉	郡	齊	有	為	司
槐	西	鐵	有	即	禹	象	耶	故	漢	府	漳	漳	馬
水	南	山	釣	槐	貢	城	光	漢	下	趙	河	河	懿
南	有	西	盤	水	之	宋	武	縣	流	州	有	武	築
有	贊	北	山	流	大	曰	耶	有	入	趙	交	遂	東
沛	皇	有	南	合	陸	隆	位	槐	胡	州	津	城	北
水	山	有	有	縣	也	平	處	水	宋	趙	口	有	有
東	東	水	敦	南	衡	東	又	驛	子	趙	二	有	燕
寧	贊	興	與	之	漳	北	東	西	城	洪	水	有	燕
晉	皇	贊	贊	沛	水	有	北	南	距	武	津	河	亭
縣	舊	隋	隋	水	故	大	有	有	府	初	沱	即	隋
隋	有	置	置	子	房	陸	南	柏	城	州	在	沱	置
曰	氏			於	澤	澤	縣	鄉	百	治	城	走	燕

康陶唐曰寧晉有百丈巡檢司新添西南有漢康陶
故城東南大陵廢縣隋所置又有胡盧河亦曰大陸
澤亦曰廣阿澤又謂之薄洛水後代名之曰胡盧河
丁度曰胡盧河即橫漳之別名深冀羣川悉匯於此
○深州漢下博縣隋置深州唐深州洪武初以州治
靜安縣省入南有漢下博縣故城南即胡盧河有
前南王霸詭言永堅可渡州距府城二百五十里
處蓋在此俗謂之危渡口
領縣一衡水隋置縣東有長蘆河即胡
順德府邢國北魏改縣周立郡隋邢州唐邢州鉅洪
武初改爲府領縣九自府至都城一千里邢臺倚秦
信都縣漢曰襄國宋曰邢臺有龍岡馬驛有西王巡
檢司西有古襄儀城有封山亦曰西山西北有馬嶺
黃榆嶺上有黃榆關又漳水在東南自河南臨漳縣
流入境下流爲葫蘆河至交河縣合漳沱此爲漳水

經流沙河隋縣南有沙口山因名也縣西北有泚水任漢縣東北有故苑鄉城西南有澧河蓋伏流而旁出者任漢縣東北有故苑鄉城西南有澧河澤內丘漢中丘縣隋曰內丘有中丘馬唐山漢柏人有堯山唐因改縣曰堯山金又改今名西有泚水又宣務唐因改縣曰堯山金又改今名西有泚水鄉秦鉅鹿縣後魏曰平鄉有鉅鹿城又東南有故平

廣平府晉地漢廣平國後周洛州隋武安郡唐洛州廣平郡宋洛州元廣平路洪武初

改爲府領縣九自府至都城千里永年倚漢曲梁
年有臨洛馬驛有臨洛鎮巡檢司北有故廣平城西
有臨洛城隋所置縣也北有沙河又有洛水自河南
武安縣流入界合於沙河河西又有洛水自河南
漳縣流入界亦曰滏陽河又西有難澤春秋盟會處
有黃龍鎮又曲周水東有滏陽河康臺澤又西北有
魏陵又有古肥鄉後魏縣西北有漢邯鄲縣北有
鉅橋在縣西肥鄉列人城東南有洛新與城慕容垂
在縣西北雞澤隋置東南有洛廣平金置北成安斤
丘縣高齊曰成安西南有洹水自河南臨漳縣流入
界宇文周因置洹水縣其下流合于衛河又南有漳
水亦自河南有臨漳縣流其下流合于衛河又南有
入界縣南又有兔臺威自漢并陘縣移威州治此尋
省縣入州洪武初改州爲縣漳水舊在邯鄲縣有
南洛水自西流入焉西北有定陵墅在邯鄲縣有
西南有故城即戰國時趙都也又漢有滏陽河又
氏城南有故城即戰國時趙都也又漢有滏陽河亦

在縣清河漢東武城縣隋曰清河西北有廢厝縣後

清河其上游即淇水也西北有隋永濟渠即衛河故

道舊名軹子渠又縣西有直渠東南有鳴犢口皆漢

時大河

大名府晉地秦屬東郡漢為魏郡後周置魏州唐魏

州魏郡五代漢曰大名府宋因之金為大名府之

大名路元曰洪武初改為府領州一縣十而直隸府之

縣凡八自府至都城千一百六十里元城倚漢縣

口永驛嘉靖四十五年革有小灘巡檢司東北有

陽孤故城東南有馬陵廢縣隋置以故馬陵道而名

又東有沙麓山北有衛河即永濟渠也亦曰通濟渠

亦曰御河自河南汲縣流入界下流合漳河支流而

東北入海又東有屯氏故大名東魏置貴鄉縣五代

河一名王莽河西有漳河大名漢曰大名縣本倚郭

宋移治于南樂鎮洪武初廢三十一魏漢縣舊治在

縣復置北有恆山東南有屯氏故河魏今縣南洪武

初移此地名五姓店南有新舊二漳河下流俱南樂
谷于衛河又衛河亦在南有又東南有白龍鎮繁米
漢置樂昌縣晉曰昌樂五代唐曰城南樂北有廢繁米
城以近繁水而名東北有故平邑城南有故昌城
清豐唐置西南有漢頗丘故縣東有古觀澤城西北
又解鰐山在縣西廢縣又有德清軍城五代晉所置也
有故淇河又在縣西南有澶水合于繁水內黃漢縣
黃池水驛嘉靖四十五年革有戲陽城亦曰陽聚西有
有繁陽城又有柯城北有戲陽城亦曰陽聚西有
五馬山北有衛河東有繁水漢元以陽縣宋置洛州
西有洹水又黃澤在西北有繁水漢元以陽縣宋置洛州
八武初改州為縣舊有新鎮平川二水驛嘉靖四
七五年革有新鎮縣舊有新鎮平川二水驛嘉靖四
城及古雍榆城東有大河故清在西即黎陽津也
南山西有黑山又大河故清在西即黎陽津也
衛河自河南流入淇水合衛河處又西有長豐治縣西
南有衛河自河南流入淇水合衛河處又西有長豐治縣西
北有衛河自河南流入淇水合衛河處又西有長豐治縣西
事又故陽臺亦在縣西有遮害滑隋置滑州洪武初以州

浚白馬縣舊入又改州為縣有老岸鎮巡檢司東北
有鹿鳴故城東南有韋城廢縣大河舊經此曰韋津
也天東有衛南廢縣隋置即故楚丘西有靈昌廢縣
亦隋置大河舊經此謂之靈昌津又東謂白馬津也
宋陳北有白馬山西有天臺山北有白鼻渡東北有
胡良渡長壽諸舊俱為大河津濟處今平陸也不古
金堤閘在○開州曰開德府金開州元因之洪武
縣西南○開州曰開德府金開州元因之洪武
所以州治濮陽縣省入德勝渡而名五代初晉王存
勗所築夾河有南北兩城也北有古城威城東有昆吾
縣西有臨河廢縣及清丘在東南春秋
時會盟城北又有鐵丘西有故白沙渡大河津渡故
河舊經城南亦名鉞子渠宋所開商胡河六塔渠故
址皆在州境正統十三年河決入故道旋州距府城
塞西南又有楊村為五代初晉梁相持處州距府城
舊來十里領縣二長垣徙不一洪武中以河北後連
縣古蒲城即今治也有大岡巡檢司南有匡城北有
縣城壘南有平丘城又黃河故在縣北今在南北有

東明宋置洪武初省弘治四年復置有杜勝集
永平府唐高祖州北平魏盧龍郡北燕平州後魏北平郡
洪武初曰永平府領州一縣五而直隸府之縣花四
府至都城五百五十里盧龍倚漢肥如縣隋曰
遼安馬驛蘆峰驛西有古孤竹城東北有灤河馬驛
南有海陽縣東南有樂安城又北有黃山有灤
河及溱河東有肥如河一名小濡水俱會灤河入遼
海又西北有盧龍塞北有桃林口灤漢洞等關
安金置有灤陽馬驛北家嶺驛北有都山東有灤河
撫寧漢驪城縣地金置撫寧縣有榆關驛東北有臨
海關有山海衛洪武廿四年置縣北有撫寧衛永
樂三年置灤縣東北有免耳山東有榆河自塞外流
入灤有陽海俱東南一片石關一名九門水口昌黎漢
院口等關又東有一片石關一名九門水口昌黎漢

縣在今大寧塞外契丹置廣寧縣于此金曰昌黎漢
屬桑縣在北西北有碣石山即禹貢導河入海處也
又有石門山一名五峯山東南有溟海亦曰七里海
有黑陽河自天津連縣之海道也又有蒲泊舊產鹽
置惠民鹽場于此北有
○灤州隋北平州境唐平
界嶺中籍擇嶺等關
州石城縣地契丹洪武初以州治義豐縣省入漢石
軍灤州金元因之洪武初以州治義豐縣省入漢石
城故縣永樂初移建開平中屯衛于此西南又有廢
縣城唐置南濱海灤河在其東又西南有長春淀
州駐府四十里領縣一藥亭金置有新橋海口
延慶州并因之金置鎮州元曰龍慶州契洪武初廢
永樂十三年復置隆慶州以州治縉山縣并入隆慶
初改曰延慶州舊有紅門口棒槌峪二巡檢司今革
去西有灰泉山南有八達嶺橫嶺東北有媽川下流
注桑乾河相傳即古阪泉也又南有沽河又有岔道

口南接峽庸關建文四年燕王置隆慶初置城於此為
赤曰延慶衛東南又有柳溝營隆慶初置城於此為
防禦領縣一州至都城百八十里永寧永樂十三
縣地置東北有火焰山又有瀝石嶺西北有溪河下
流合沽河入桑乾又東有四海冶堡天順八年置又
西北有靖堡東南有黑漢嶺堡北有周四溝堡俱
嘉靖中置又有割城堡萬曆三十二年所置也
保安州唐末置新州契丹曰奉聖州洪武初廢永
樂十三年復置保安州新州治永樂中置州于此為
縣并入景泰二年改置州于雷家站即今治也又有
苦承鹿城及承鹿山西北有漢廣甯廢縣亦曰大甯
又有甯縣亦曰小甯也又東有漢沮陽城西南有磬
山番山西北有磨笄山亦曰雞鳴山又有鷄兒嶺又
素乾河在西南自山西蔚州流入界西有甯州又有
火神淀今壩州東有東八里堡良田屯堡麻峪口堡
俱洪武二十七年置州南有美峪守禦千戶所州至
接山西蔚州界景泰二年自州治西移置于此州至

都城三百里

萬全都指揮使司

唐末置武州契丹曰順寧府洪武四

年府廢二十六年改置今司領衛十五

其蔚州延安

根處守禦所已

亦設于本處

所堡五自司至

都城三百五十里

宣府左衛

唐文德縣金曰宣

府右衛

倚宣府前衛

倚

興和守禦千戶所

倚初置興

城永樂二十年移此西有順聖川東西城又有陽門

廢縣金所置也西有炭山瀾水出焉即灤河之源至

樂事縣入海又南有洋河一名泥河下流入桑乾河

又東北有大白陽小白陽及龍門關堡東南又有鷄

鷄

青邊口羊房等堡俱宣德以後置

○萬全左衛唐

州北元宣

洪武二十六年置衛

西有宣平廢縣金置

德府地

洪武二十六年置衛

洪武初廢尋置今衛

又西北有沙城西有海子下流入洋河又會衛法

河堡在西遼金時置東有寧遠站堡永樂初置衛法

司城六十里○萬全右衛元宣德永樂初置今衛初

左衛同城二年移治德勝堡洪武二十六年所置

也北有翠屏山野狐嶺兒嘴西北有西陽河下流

入樂河東有張家口堡北有膳房堡上莊堡新關口

堡新河口堡又西有柴溝堡洗馬林堡西南有渡口

堡又西陽河堡距司城八十里○懷安衛唐新州

偶永樂以後置衛距司城八十里○懷安衛唐新州

隨金屬大同府元屬洪武初縣廢二十六年置衛○

宣德府尋屬隆興路洪武初縣廢二十六年置衛○

保安右衛在懷安城內永樂十五年置於順聖川十

七年移治萬全右衛之沙城二十年移於此後衛廢

也又事信起堡在西嘉靖十六年置衛距司城有仁

于堅○懷來衛唐屬德興府元為龍慶州之懷來縣

唐屬德興府元為龍慶州之懷來縣

洪武初置懷來守禦千戶所永樂十五年改為懷來左衛明年曰懷來衛。延慶右衛在懷來城內永樂

二年置隆慶右衛于居庸關口宣德五年移置于此

隆慶初改今名

衛治即漢潘縣後周曰懷戎縣契丹

有寧武城唐置軍于此地有釜山及廢繁水衛距司

城百五十里。○開平衛洪武初置於故元之上都宣

德五年移置於故元雲州之獨石地

東有東山東北有白廟兒山北

有偏嶺又南有伴壁店堡及貓兒峪堡東北有清衛泉堡俱景泰以後所增築又涼亭驛亦在東北也衛

距開城三百里。○龍門衛

唐新州之龍門縣遠屬奉聖州金屬宣德州元為雲

州之望
雲縣
洪武初州縣俱廢宣德六年置今衛
西有大松山北

有洗馬嶺西北有金家莊堡東
衛距司城百二十里
有三岔山堡俱成化以後置

龍門守禦千戶所
元雲州東莊地宣德六年置有東

自河北有牧馬堡東有滴水崖堡寧遠所距司城
堡及長伸地樣田等堡皆景泰以後置

四千里
長安嶺堡
漢武初置豐塔驛永樂九年
改置弘治五年增置守

樂千戶所
此有長
鵬鶚堡
元雲州之鵬鶚堡宣
德六年改置今

德六年改置今
赤城堡
元雲州赤城站洪武四年
堡北有浩門嶺

今堡東有赤城山西西北有
雲州堡
雲縣元為雲州
今堡東有赤城山西西北有

治得省縣入州
洪武四年置雲州驛宣德五年改置
今堡東有赤城山西西北有

東有龍門山
龍門山
龍門山
今堡東有赤城山西西北有

安堡
元所置也
馬營堡
元雲州之大
頭塞在北元所置也

西北有冠帽山南有灤河又西北有君子堡
西有松樹堡東南有倉上堡俱宣德以後置

舊開平衛

元上都路開平府

洪武初改置衛宣德五年廢

大寧衛

遼中京路元大寧府金曰大寧路

洪武十三年敗復二十

年置大寧衛又設北平行都司於此永樂初廢

京師雄峙東北關山險固形勝甲於天下其俗驚悍
任俠而尚氣然亦重畊稼好儒學自唐以漁陽發難
朝廷政令不復逮于河北桀黠之徒爭雄競長竟與
唐室相終始後唐莊宗雖并有幽定兼收鎮魏而甲
兵未釋營平藩籬已不能復固幽薊以南侵擾且日

至矣石晉以燕雲歸契丹而中原肩背遂成倒持之
勢宋靖康之禍其機實兆於石晉審哉呂中之言曰
燕薊不收則河北不固河北不固則河南不可高枕
而臥而遼人左衽豈亦有詩言捐燕之非計豈非中
外防維幽燕實爲重地哉自遼金相繼都燕元承其
後益擴而大之明平天下建燕藩以捍北垂太宗遂因
之而成靖難之烈于是營建京邑創垂之迹炳焉其後
復取昌平通易爲三輔紫荆倒駕居庸爲三關而薊遼
雲間爲左右翼衛經緯庶幾益密矣其在天文燕地尾
箕分野而幽易以南于古爲趙地則昂畢分野也

南京古揚州地秦置泗水九江鄣郡會稽等郡漢分
屬徐揚二州刺史部唐爲江南淮南等道宋爲淮南
江南東西及浙西等路元分江以北隸河南行省江
以南隸浙江行省太祖以金陵創業因建爲京師北
至豐沛與山東河西至英山與河南湖南至婺源與浙
江西東至于海橫絕江淮控引齊梁楚越大牙繡
錯其間拱輔畿甸恢廓幅員雄示前代遠矣永樂十
八年定都北京而猶以金陵爲京師正統六年始謂
之南京統府十四州四屬州十七縣九十有七爲三萬里
所有七百自南京北至京師二千五百五十里

應天府楚武昌唐置金陵秦改秣陵漢開陽郡南唐江

寧府宋建康府元建太祖得之曰應天府洪武元年

命為南京以開封府尋復為京師是時更新城關內

城偏臨南曰洪武門正陽門其西曰通濟門京城之

費西曰金川曰三鍾阜曰石城北曰太平門其西曰神策又

郭則倚山帶江周匝八十里有二門存十一門其外

方夾門三曰佛寧上元觀音蓋東據鍾山西限石頭

北控湖山南臨長干而秦淮貫其中是為京城之形

隸中定為南京而應天府如故有龍江冰馬驛

隸三巡江險司隸陵鎮縣八上元倚濠秣陵地吳曰江

寧唐曰上元有浮化鎮巡檢司有故臺城及東府西
州城東南有故秣陵城北有廢江乘白下臨沂等城
東有湖墅城又東北有鍾山山南有孝陵衛洪武末
置北有復舟山鷄鳴山幕府山又東北有攝山東南
甯海門縣入海東南有秦淮水西彭澤縣流入境下流
先武湖東有青溪北有新洲江寧倚秦秣陵地晉置
又古樂遊苑在覆舟山下新江寧縣在今縣西
南隋移置郭內唐改白上元南唐折置今縣有大勝
驛及江寧馬驛有石頭城故冶城越城西南有故丹
陽城南有聚寶山牛首山西南有三山烈山及慈姥
山西北有靖安河西南有查浦板橋浦新林浦又有
幽鷲洲蔡洲馬家渡皆濱大江又西南有大勝關北
有龍江關南有新亭又朱雀航今曰鎮淮橋跨秦淮
河句容縣有龍潭水馬及雲亭驛有龍潭橋巡檢司
止句容東南有茅山北有華山秦淮水源于此又有
竹里山北濱大江有下蜀港又東南有破淩陽秦縣
荆陽北有大業壘却鑒所築又有龍潭鎮溧陽秦縣
溧陽州洪武初復為縣舊有上興埠巡檢司今東南有
海永世城西西北有平陵城縣舊有舊產銅及鐵今東南有

鐵山銅山西南有鐵冶山也又伍牙山亦在西南北
有長蕩湖一名汎湖西北有溧水一名瀨水上永丹
陽湖東流為宜興荆溪入太湖隋置元升為州洪
湖舊名永陽江又曰中江也溧水武初復為縣東有
東廬山秦淮水別源出高淳弘治四年分溧水縣高
馬又西南有石臼湖高淳鎮置有廣通鎮巡檢
司西南有固城丹陽石臼諸江浦縣洪武九年析六合
湖東南有廣通鎮俗曰東壩江浦縣及滁和二州地
置縣于浦子口後移今治有江淮驛舊有東葛城驛
陸慶元年革又西江口巡檢司今革東南濱大江
六合漢棠邑縣隋曰六合有棠邑驛有瓜埠巡檢司
葉山又滁河在西南又西有瓦
梁臺南有長蘆鎮及宣化鎮
鳳陽府鍾離郡隋濠州唐濠州鍾離郡宋濠州元臨
濠府專復太祖初起於此吳元年復升為臨濠府洪
武二十年又升為中都改府為中立府七年又改為

鳳陽府領州五縣十三而直隸府之縣凡六自府至

南京城三百三十里有濠梁鳳陽倚洪武七年析臨

縣西有荆山狸城蕭梁所置也北濱淮自河南固始

淮西南有皇陵城洪武二年置衛又西北有長淮關

洪武中置長淮衛于此東南又有洪塘湖屯田守禦

千戶所洪武臨淮曰中玄縣尋曰臨淮有紅心馬驛

北濱淮有邵陽州乘龍洲又懷遠宋置荆山縣為懷

濠水自城東流入淮曰濠口懷遠軍治元改州為

縣以荆山縣省入舊有塗山柳灘二驛今華東有故

當塗城東北有渦口城西有馬頭城又西北有龍

亢城又北有平阿城及古向城荆山在西南又東南

即塗山禹會諸侯處也淮水經兩山峽間又渦水自

河南鹿邑縣流入境至縣東入淮謂之定遠蕭梁置

渦口又南有洛水北流入淮亦曰洛澗有陰陵城東

河有東驛及張橋驛西北有橫澗山南有池河西有洛河俱流

南有東城西北有橫澗山南有池河西有洛河俱流

入淮西南有馬丘聚東有藕塘鎮又有英武五河宋
衛在北飛熊衛在東北俱洪武十一年置
置為安淮軍治元軍廢舊有安淮驛及上店巡檢司
俱革東濱淮西北有漕河沱河東南有漂河東北有
潼河並流合淮虹漢下丘縣後魏曰夏丘唐曰虹縣
所謂五河也虹河西有故虹城城北有取慮城西北有
僮城南有汴河自河南永城流入界下流合淮又東
南有潼河西有汴河自河南永城流入界下流合淮又東
○壽州六蓼國楚考烈王遷都于此秦漢九江郡隋
洪武初復曰壽州以州治壽春縣省入檢司舊有新
站壽春二驛及正陽巡檢司俱革北濱淮西北有下
蔡城又有硃石城在硃石山兩城對峙淮水中流西
南有安豐縣南臨芍陂又東北有八公山及紫金山
山東北有肥水自合肥西北流入淮謂之肥水又西
北有潁水自河南沈丘縣流入界入淮謂之潁水潁
水又西有潁水又東北有潁水又東北有潁水又東北
府城一百八十里領縣二霍丘漢有松滋縣隋曰霍

店二巡檢司舊有丁塔店巡檢司今革東南有咸德
廢縣西有陽泉廢縣西南有安風及寧婁廢縣西北
又有廢蓼縣大河灌俱自西南又東陵在蒙城縣後魏
西北有漢淮史河灌俱自西南又東陵在蒙城縣後魏
曰潁陽唐曰蒙城西南有廢蒙縣後魏置城北有潁水
西北有乾澗又故番惠聚在西北又有下城父聚
○泗州徐州唐泗州臨淮郡宋泗州元因之周泗洪武初
以州治臨淮縣省入北有泗水驛舊有龍窩驛今革西
又西有懷石山南濱淮有州距府城二百里領縣二
州永有城北有南流入淮有州距府城二百里領縣二
縣盱眙縣秦縣有舊縣巡檢司東有東陽廢縣西有睢
小盱眙縣及贊其廢縣巡檢司北又有淮陵廢縣東北有
富陵廢縣又東山在東南又有都梁山隋置都梁宮
於山上東北有龜山又有君山山西有浮山北濱淮有
洪澤浦其東北有長後周石梁縣唐曰天長有城門鄉
有洪澤鎮天長後周石梁縣唐曰天長有城門鄉
赤白石梁堰下阿鎮東南有太湖接高郵縣界又縣北有銅
城鎮東北有堰下阿鎮東南有太湖接高郵縣界又縣北有銅

捷不處○宿州古宿國漢沛郡唐洪武初亦曰宿州有
野處○宿州置宿州宋元因之洪武初亦曰宿州有
陽百善道大姑夾溝四驛北有符離廢縣又有竹邑
縣及故相縣南有廢鉅縣及廢蘄縣西南有臨淮城
西北有故靈璧城又北有汴河自河南流入界又淮
河亦自河南永城縣流入界下流至宿遷合淮亦曰
小阿池西南又有渙水及澮水又柳子鎮又北有芳亭
離橋西南有大澤鄉又西北有柳子鎮又北有芳亭
州距府城二百三十里靈璧宋置零壁縣尋曰靈
州距府城二百三十里靈璧宋置零壁縣尋曰靈
巡檢司西南有齊眉山又有磬石山○潁州漢汝陰
黃河在東北有睢河南有汴河○潁州漢汝陰
縣後魏別置縣于此唐潁川汝陰郡宋順洪武初復
昌府金復曰潁州元以州治汝陰縣省入洪武初復
曰潁州潁河有潁州水驛及沈丘鄉廵檢司舊有劉龍柳
郵城潁河在北自河南西北有故細陽城東有故新
息縣流入界入于淮亦謂之淮口淮水在南舊黃河
在西北又南州距府城四百四十里領縣二潁上
有朱阜鎮

劉宋僑置樓煩縣隋曰賴上舊有江口甘城二驛今
華西北有廢慎縣東有賴河南有淮河又西正陽鎮
在東南臨淮河與太和宋置萬壽縣尋曰秦和元改
壽州東正陽相對太和秦爲太有洪山巡檢司舊有
和陽界溝二驛及北原和巡檢司今革
西有故原鹿城南有潁水亦名沙河
○亳州古譙
縣後周曰亳州唐亳州元因之宋
曰集慶軍金仍曰亳州
縣省入尋降爲縣弘治元年復曰亳州故城其南有城父
乾溪又東北有廢建威縣西有渦河自州南鹿邑縣
潁入境北有馬南河流合焉又東南有百尺溝亦流
入渦河又東北
舊有官竹園
州距府城四百五十里
淮安府秦屬九江郡東晉置山陽郡隋曰楚州後併
入江都唐楚州淮陰郡宋楚州元淮安路
洪武初曰淮安府領州二縣九而直隸府之縣凡六
自府至南京城五百里
山陽倚晉縣有淮陰驛舊
又有崇河滿滴二驛

今革又馬邏鄉廟灣羊寨鄉三巡檢司西北有淮陰
城西有新城廢縣宋所置也北濱淮有北神堰即古
宋口又西有清江湖亦曰射鵲河東有山陽清即邦溝也
又東南有射陽湖亦曰射鵲河東有山陽清即邦溝也
有廟灣清河馬頭巡檢司又洪澤舊有金城驛今革有
鎮濱海清河馬頭巡檢司又洪澤舊有金城驛今革有
舊驛西有清河即泗水也自山東魚臺縣流入境至
此合淮謂之淮口亦曰清口今黃河奪泗流入境至
淮縣為黃淮交會之衝又東出以達于鹽城漢鹽漬
海縣南又有洪澤鎮以洪澤湖而名鹽城縣晉曰
鹽城有喻口鎮清溝二巡檢司西北有射陽廢縣近
射陽湖東濱海宋築堤海上俗謂之塘潮岸地產鹽
南有鹽城監又安東晉僑置襄贛縣隋曰漣水宋置
西北有喻口鎮安東晉僑置襄贛縣隋曰漣水宋置
初改州為縣有長樂巡檢司東北有廢金城南有淮
水又漣水自西北而南流入淮謂之漣口又西北有
碩項湖東挑源金淮濱縣元曰桃園尋為園曰源有
北濱海挑源金淮濱縣元曰桃園尋為園曰源有
年革改巡檢司又有三義鎮巡檢司舊有古城驛嘉靖四十五
司今革東有馬駁皮大河經其北又西北有崔鎮等

口爲防河要地沐陽漢劉宋置潼關後周曰沐陽舊有
西有白洋河鎮沐陽漢驛今華北有漢厚丘廢縣西
北有建陵廢縣又有陰平廢縣東南有沐水自山
東郟城縣流入界其下流爲漣水又北有桑墟河○
海州改東海郡唐海州東海郡宋海州元海寧府又
降洪武初復曰海州以州治朐山縣省入舊有興國
有東海巡檢司嘉靖十六年改置新壩地方又有高
橋惠澤二巡檢司舊屬安東縣改今屬廢東海縣在
東西有海西廢縣北有懷仁廢縣又朐山在南海北
朝時嘗爲青冀二州治東北有鬱州山在海中又北
有巨平山西南有漣河及桑墟湖北有于公等浦州
皆產鹽州南有存淤鎮又東南海岸有雲梯關州
距府城二百七十里領縣一贛榆漢縣舊有三王坊
俱革有臨洪鎮獲水鎮二巡檢司北有紀郭城西有
漢祝其廢縣又有利城廢縣西北有羽山下爲羽淵
東濱海東北○邳州曰邳州唐初曰邳縣漢爲國後周
有獲水鎮○邳州

宋淮陽郡金洪武初以州治下邳縣省入有下邳驛
元仍曰邳州洪武初以州治下邳縣省入又舊有直
河口辛安二驛嘉靖四十五年革改設巡檢司北有
廢良城及武原城又有艾山接山東沂州界西有沂
水亦自沂州流入界分二流入泗今入大河州距府
也又西北有如河東南有直河皆入大河州距府
城四百五十里領縣二宿遷漢岳猶縣晉曰宿豫
及劉家莊巡檢司西北有故下相縣及司吾廢縣東
南有故凌縣又有廢角城北有峒嵒山下有峒嵒鎮
南有大河即泗水也又東南有睢口即睢水合大河
之口亦曰睢清口亦曰小河口又東南有白洋河西
北有落馬湖睢寧金析宿遷縣置北有
皆入大河
揚州府漢江都國廣陵郡晉置山陽隋揚州唐揚州
州廣陵郡五代揚曰江都府宋仍曰揚州元揚
州太祖得之曰淮海府尋曰維揚府後復曰揚州府
路
領州三縣七而直隸府之縣凡三自府至南京城二

百二十里

有廣江都鎮倚漢縣有邵伯驛及萬壽郡伯

司東北有廣陵故縣西有廢興縣北有廢新城晉謝

安所築西北有蜀岡東有官河古邗溝也南濱大江

有瓜洲鎮即南北渡口有伊婁河又東北有茱萸

灣又有艾陵湖北有邵伯湖西北有雷塘又有新塘

又南有皂角儀真州唐楊子縣地宋置真州洪武初以

林楊子橋儀真州治楊子縣省入改州曰儀真縣

有儀真水驛及舊江口巡檢司又舊有迎鑾驛今革

東南有故楊子城北有城子山西北有大銅山南

濱江有白沙洲東有運河秦興口南岸黃橋印莊三巡

及陳公塘東北有歐陽戍秦興口南岸黃橋印莊三巡

檢司南○高郵州吳邗溝秦高郵亭漢高郵縣唐屬

府洪武初復爲州以州治高郵縣省入有孟城界首

溝時堡二巡檢司西有官河西北有樊梁甍社新開

等湖西南有白馬塘又西有北阿鎮東有三梁鎮

州距府城百二十里領縣二寶應曰漢平安縣後漢

應元曰安宜府尋復爲縣有安平驛及槐樓街陽鎮
二巡檢司西有石艷城有白水塘又有運河及泥光
白馬二湖東有射興化五代時楊吳折海陵地置有
陽鎮臨射陽湖有射興化安豐巡檢司東有得勝湖南
有陵亭鎮東北有白○泰州爲縣唐屬揚州南唐置
騎等鹽場縣產鹽也○泰州爲縣唐屬揚州南唐置
泰州宋因之元泰洪武初以州治海陵縣省入有西
州路尋復爲州洪武初以州治海陵縣省入有西
安寧鄉鎮三巡檢司北有新城宋末置東有故海安
城南濱江東有西溪宋置鹽倉于此亦曰海陵監今
仍置司以司鹽稅又州距府城百二十里領縣一
捍海堰亦在州東州距府城百二十里領縣一
如臯晉縣有掘港西場石莊三巡檢司南濱江東有
掘港置營堡于此以戍海口又白蒲鎮在東南
○通州漢海陵東境南唐立靜海都鎮後周靜海洪
武初以州治靜海縣省入有石港狼山二巡檢司南
舊有海門島及布洲夾產鹽西有州距府城四百里
運鹽河又城南有利豐監宋置

領縣一海門五代周置大江入海之衝也有吳陵

檢司萬曆十年革西北有新橋港東南有料角嘴

蘇州府吳郡秦漢會稽郡治東漢分爲吳郡隋曰洪

武初曰蘇州府領州一縣七其直隸府之縣凡六自

府至南京城五百六十里有姑吳倚秦縣有角頭木

舊有橫全巡檢司今革西北有虎丘山三巡檢司

蘇山西北有陽山西南濱太湖即禹貢震澤也職方

謂之具區亦曰五湖中有包山莫釐山又南有吳淞

江與婁江東爲三江自太湖分流東入海亦即禹

貢所稱長洲倚唐析吳縣置有吳塔陳墓二巡檢司

三江也吳江五代時吳越置有平望驛及震澤汾湖平望同

橋三巡檢司俱革西濱太湖東有吳江亦曰吳松江

長橋當太湖分流之口又東南有白蜆江南有平望

驛 崑山 秦妻縣梁曰崑山元升爲州又徙治太倉尋
鎮 崑山 還舊治洪武二年改州爲縣舊有寧海驛今
革 有石浦巴城二巡檢司西有故信義縣亦梁置南
有妻江東南有澱山湖又南有千墩浦東有夏駕浦
皆注于常熟梁置縣有許浦港白茅港黃泗浦三巡
婁江 常熟 檢司舊有福山港巡檢司今革東有南
沙廢 又南有廢常熟縣今縣治晉海虞故縣也唐
移治于此元升爲州洪武三年復爲縣萬曆末避諱
白嘗有虞山北有福山下臨大江有福山港又縣東
有白茅港東北有許浦西北有黃泗浦皆分太湖以
西北之水嘉定宋析崑山地置元升州洪武二年改
注于大江嘉定爲縣有顧運江灣二巡檢司舊有吳
塘巡檢司今革東濱海又南有吳松江東南有白鶴
青龍蟠龍等江皆匯吳松江入海又劉河在縣北即
婁江也又縣西南有黃渡鎮安亭鎮又東有吳松
江守禦千戶所洪武十九年置又太倉州元崑山州
所嘉靖三十六年置協守吳松
中千戶所萬曆五年改今名
治洪武初爲太倉衛弘治十年改建爲州
此洪武初爲太倉衛弘治十年改建爲州
檢司甘草屬

常熟改今屬舊有劉家港舊涇唐舊涇港口等巡檢
司俱革東濱海南有劉河即婁江也其入海處曰劉
河口北有七鴉浦州距府城一百零五里領縣一
亦東入海口曰七鴉口

崇明元置州屬楊州府洪武二年降為縣八年改屬
蘇州府弘治十年改今屬舊治在縣東北後遷

縣不一萬曆十一年遷今治有三沙西沙二巡檢司
舊有平洋沙巡檢司今革四面環海為江口捍蔽

松江府秦婁縣宋秀州華亭縣元洪武初因元領縣
置華亭府又改曰松江府

三自府至南京城七百七十里華亭倚唐置縣有
小真村金山

泖橋三巡檢司又有南橋鎮巡檢司係戚木涇萬曆
九年改又舊有陶宅鎮巡檢司今革東有前京廢縣

蕭梁時置東南有金山故城五代吳越置洪武二十
年改置金山衛東濱海北有吳松江西北有澱山湖

西有泖湖亦曰三泖東南有黃浦西北有趙屯大盈
顧會崧子盤龍等五浦俱會吳松江入海又獨樹堡

洪武初置營于此東南有柘林鎮南有張堰上海元
鎮又東有青村守禦千戶所洪武二十年置

析

華亭縣置有三林莊吳松江黃浦三巡檢司舊有南
驗巡檢司今華東北有滬瀆城東濱海北有吳松江
東有黃浦東南有川沙堡嘉靖三十六年置又東南
有下沙新場諸鎮又有南匯寶守禦中後千戶所洪
武二十青浦嘉靖二十年析上海華亭縣地置治縣
年置縣于唐行鎮即今治也屬北有新涇巡檢司又有
巡檢司原屬華亭縣改今屬北有吳松江東有顧會
等浦西南有澱湖又

常州府吳地晉分置毘陵郡隋常州路太祖得之曰

長春府尋復曰嘗州府諱改嘗領縣五自府至南

京三百六十里武進倚漢毘陵縣晉曰晉陵唐改

晉陵縣省入有毘陵驛及小河奔牛鎮溧港三巡檢

司西北有武進故城及蘭陵廢城東南有馬跡山濱
太湖又大江在北西有孟瀆北入江曰孟瀆口又西
南有滬湖西有奔牛鎮又有度亭西南有遊塘營

無錫漢縣有錫山驛及望亭高橋二巡檢司東南有
阜曰錫山西北有軍將山梁溪出焉西南入太湖其別
貴湖舊說以爲五湖之一今堙南北有芙蓉湖本名射
接界舊宜興秦陽美縣隋曰義興宋曰宜興元升爲
白御亭宜興州洪武初改爲縣有張渚下邳湖沒鍾
漢四巡檢司西南有廢國山城廢綏安城又有君山
及國山又東南有香蘭山臨太湖西北有山有長
蕩湖與溧陽接界又南有荆溪太湖上有長橋又西南有
百濟荆溪居數郡下流灌注太湖因疏百濟于湖口
以分其勢今多堙廢江陰蕭梁置縣元爲江陰路尋
又張渚鎮亦在縣南江陰降爲州太祖得之改曰連
洋州尋復故洪武初改州爲縣有石頭港利港二巡
檢司舊有范港巡檢司今革東有廢暨陽縣西有廢
利城縣北有君山濱大江今江西南又有秦望山東有香
山又中浦在縣西又有夏港及黃田港東有石頭港
及石牌港俱注大江成化七年折江陰縣置縣于
江縣東有楊舍鎮靖江江中馬駁沙有馬駁沙新
港巡檢司今自縣以
北太湖漸爲平陸

鎮江府

漢荆國隋置潤州唐潤州丹陽郡宋曰鎮江府元鎮江路太祖得之曰江

淮府尋復曰鎮江府領縣三自府至南京城二百里

丹徒

倚漢縣有京口驛又炭渚驛嘉靖四十五年革萬曆三年復又有丹徒鎮安港高資鎮姜

家肯四巡檢司北有北固山濱大江江中西有金山

東有焦山又城西江口有蒜山又京覲山在東國山

在東北濱江為險又西有徐陵亭東丹陽秦句曲縣

北有甘露鎮又東有丹徒鎮諫壁鎮丹陽唐曰丹陽

有雲陽驛及包港呂城鎮二巡檢司舊有呂城驛今

華南有延陵廢縣東有呂城有陵口北有練湖又北

濱大江西有破岡瀆及長金壇隋末置金山縣唐曰

岡埭又西北有新豐鎮金壇隋末置金山縣唐曰

西有茅山南有長

蕩湖北有白鶴溪

廬州府

古廬子國春秋舒國西漢廬江國東漢合肥國隋廬州唐廬州廬江郡宋廬州元廬州路

洪武初為廬州府領州二縣六而直隸府之縣凡三

自府至南京城五百十里有金斗驛舊有西山合肥

倚漢縣劉宋曰汝陰隋復故有派河護城二驛有石

梁鎮巡檢司舊為廬鎮關嘉靖二十四年改東北有

凌道廢縣又有廢梁縣又東北有滁陽城滁水出其

南東入大江天西有鷄鳴山肥水所出北入淮新城

在其下魏滿寵改築合肥新城或以為即此又西南

有紫蓬山東有浮槎山黃山又東南有四頂山俯瞰

巢湖湖中又有姥山孤山又舒城有漢舒縣唐曰舒城

東有店埠河南有三汊河又舒城有梅心三溝二驛

東南有故六城西北有故頤羹城西南有龍眠山三

角山又有七門山下有七門堰又巢湖在東又南有

北峽關與廬江故城東北有冷水關巡檢司西有龍舒

桐城接界廬江故城東北有冶父山東有巢湖東南

有黃陂湖又無為州商巢國隋省襄安立無為鎮

冷水關在西○無為州宋無為軍元無為路尋降州

洪武中以州治無為縣省入有與龍河鎮黃落河泥

檢司又有焦湖巡檢司舊為河泊所萬曆十一年改

南有故襄安城東北有濡須山麓有東關又有濡

須塢亦曰偃月城皆三國吳置有濡須水又有馬陵
河皆自巢河分流東南入江又南有穆潭鎮濱江曰
州距府城二百八十里領縣一巢秦居巢縣唐曰鎮巢
軍元改爲州尋降爲巢縣有鎮巢驛及高井馬驛西
北有案臯城臨拓臯河東有東山東南有七寶山與
濡須山對峙三國魏置西關其上南有弢野山即坻
箕山巢湖在西南有石梁河即濡須上流也東南又
有清溪又有徐塘亦○六安州爲盛唐縣晉六安縣
曰徐碣在濡須東岸○六安州爲盛唐縣晉六安縣
唐壽州盛唐縣宋洪武初以州治六安縣省入尚有
六安軍元六安州改今屬又舊有故埠巡檢司今革
巡檢司舊屬霍山改今屬又舊有故寨基山又有潁
西有開化廢縣北有故馬頭城西有寨基山又有潁
水亦曰州距府城百八十里領縣二英山宋置縣
泚水州距府城百八十里領縣二英山宋置縣
唐廵檢司西北有多雲山接霍山漢潁縣隋曰霍山
湖廣羅田縣界西有天人山宋省縣爲故埠鎮
弘治二年復置今縣有千羅上土市二巡檢司舊有
縣廩巡檢司今革東北有故屬縣東有廢潁水縣南

有霍山亦曰天柱山亦曰衡山又謂之南岳也東南有鐵爐山多鐵冶又西南有四十八盤山又潯河在

東源出霍山下

流至壽州入淮

安慶府漢皖國東晉分廬江立晉熙郡隋改同安郡治懷寧唐舒州同安郡宋安慶州元安慶路

太祖得之改曰寧江府尋復曰安慶府領縣六自府

至南京城六百五十里

懷寧

倚漢皖縣晉曰懷寧有同安驛及長風夾

鎮巡檢司舊有觀音港口有皖口鎮又西有石牌山桐

城漢皖水流入焉曰皖口有皖口鎮又西有石牌山桐

城馬踏石北峽關三巡檢司舊有源子港巡檢司今

革東南有故皖陽城東有浮山北有北碛山下有關

與舒城接界又北曰西碛山亦謂之南碛石對壽州

硤石則此為南也舊有南碛戍西北流有掛潛山懷寧

車嶺東南濱江有皖陽河自西北入焉潛山懷寧

地置有青口驛及大堂寨巡檢司西北有瀞山亦曰瀞

天柱山亦曰皖公山即霍山也皖水出焉別源曰瀞

水合流注大江又西有吳太湖劉宋置有小池驛及塘陂西北有故野人原寨太湖後部白沙二巡檢司舊有小池巡檢司今革西北有司宿松漢松滋縣隋香山西南有太湖縣因以名今堙宿松曰宿松有楓香驛及小姑山涇江口鎮歸林灘鎮三巡檢司東有馬頭山又小姑山在縣南大江中與江西彭澤縣接界又南有望江新治縣隋曰望江有雷港驛及雷桑落洲望江港口楊灣口二巡檢司南濱江東有雷池南入江亦曰雷港亦曰雷江口亦曰大雷江今縣即故大雷戍也又西有泊湖北有慈湖東北有漳

俱入江

太平府

晉析丹陽宣城二郡地立淮南郡及當塗縣治于湖隋屬蔣州唐屬宣州南唐置雄遠軍

宋太平州

太祖得之改爲府領縣三自府至南京城

百三十五里

當塗

倚晉置于湖縣尋僑置當塗縣於此有采石驛及采石大信二

巡檢司南臨姑孰溪亦曰姑孰城又南有故于湖城北有采石山又有牛渚所濱江又西南有博望山亦

曰西南梁山與和州東梁山隔江對峙又西南有褐山
東南有青山又丹陽湖在東南分流爲蕪湖漢縣有魯
江又不南有黃池河有黃池鎮又西南蕪湖港驛及河
有凡信河又北有慈湖水皆入大江蕪湖港驛及河
口鎮廵檢司西南有慈湖木皆入大江有鳩茲港亦曰卑
慈父江西南有戰鳥山在大江中西北有七磯南有魯
明江江津有石碗渡又繁昌東晉僞置縣有荻港驛
省魯港河俱注大江又三山荻港二廵檢司
西南有赭圻城南有礐山在江中又三山磯在東北
濱江又西南有荻港流入江又有濃湖今堙又西南
有龍尾洲東北有虎檻洲舊皆在
江中又故南陵城亦在西南濱江
池州府吳石城侯邑唐池州秋浦
池州府郡宋仍曰池州元池州路
州府領縣六自府至南京城五百五十里貴池隋
歌浦縣楊吳改今名有池口李陽河二驛及李陽河
延檢司舊有池口鎮廵檢司今華西有廢石城縣東
有故虎林城南有薛山北濱江西有池河亦曰貴池
北流入江謂之池口又東有梅根港北達江港口有

在梅振監為六朝冶鑄處文大通河在東北李陽河青
陽唐置縣南有陵陽廢縣又有五溪水出九華山又南有九
臨城河俱會銅陵唐末置義安縣在縣東故銅官冶
州通河入江銅陵南唐移治銅官鎮改今名有銅官通
刺有城山西巡檢司北有鵠頭山臨江又南有銅官山
河北有荻港石埭梁山置縣西有石埭故城北有陵陽
蕪湖縣之建德唐置至德縣楊吳改今名有永豐鎮
魯港入江建德唐置至德縣楊吳改今名有永豐鎮
流俱入江又西南有永東流司舊有雁江香口鎮二
豐鎮道通西江都陽界東流司舊有雁江香口鎮二
巡檢司俱革西南有馬當山枕大江與江西北有香口鎮
界又北有吉陽磯西南有香山枕大江與江西北有香口鎮
寧國府州唐宣州宣城郡宋曰寧國府老寧國路宜
太祖得之改曰寧安府又曰宣城府尋曰宣州府吳

元年復曰寧國府領縣六自府至南京城三百十里
宣城情漢宛陵縣隋曰宣城有水陽黃池鎮二巡
事山南有華陽山西有青弋江東有句溪又曰宛溪
俱合流至蕪湖縣入江又南湖在府東北亦流注於
溧水南陵也蕭梁置縣治諸圻唐移于故青陽城即今治
南有呂山又東有青弋江西南有宣城故城西有工山
子青弋江又東南有永豐陂南有大農陂俱唐置
溧水縣有茹麻嶺巡檢司西有五城山又東北有柏山
溧州城南有承流山西南有難當所築又賞溪在西亦
近有白龜城相傳隋末左難當所築又賞溪在西亦
曰溧溪其上流即舒溪也又東南有藤溪流合賞溪
下流入青弋江東南又有寧國三國吳置縣有岳山
蘭石鎮又黃沙鎮在縣東寧國胡樂二巡檢司南有
廢懷安縣又有故烏石城西北有文脊山西有紫山
西南有龍叢山上有叢山關東有千秋嶺有千秋關
與浙江於潛縣接界又東有東溪出於潛旌德唐置
天且山西有西溪出龍叢山即句溪上源

溪巡檢司北有石壁山西有正山西南有蛟山有汰
若嶺又東有徽水自績溪縣流入即藤溪上流也

平唐置有宏潭巡檢司南有黃山西有龍門

徽州府秦鄣郡地漢屬丹陽郡吳置新安郡治始新

徽州新安郡宋曰歙州治黟縣改治休寧又移歙縣唐

州府領縣六自府至南京城六百八十里歙縣倚秦

黃山街口王千寨三巡檢司有烏聊山東北有玉屏

山北有飛布山西北有黃山亦曰黟山新安江出焉

東浦為歙浦又東曰新安江至浙江建德縣合東

陽江為浙江上源又楊之水在西亦曰徽溪合于歙

縣名西有漢洞坑東有街口鎮又東有呈嶺關在

縣北有接浙江昌化縣又南有街口鎮又東有呈嶺關在

有嶺仙陳有萬安山新縣嘗治此西有白嶽山西滿

山又有方源山亦曰馬金嶺又有東密巖西南有新
嶺又有浙溪江流合率山之率水又西有白鶴溪下
流合于婺源唐置元升爲州洪武二年降爲縣有太
浙溪于婺源唐置元升爲州洪武二年降爲縣有太
原係巖田萬曆九年改北有浙源山一名浙嶺浙溪
出焉亦新安江別源也又東南有石耳山西北有大
連山又有新安江別源也又東南有石耳山西北有大
達于鄱陽湖又有芙蓉嶺在縣東祁門嶺巡檢司東
北有祁山北有大共山大水出焉南流黟秦縣西
入江西浮梁界又西有新安山武陵廟流黟秦縣西
歷山又有武亭山橫江出水焉流合休寧之白鶴溪
又東北有吉陽山吉陽水出焉又魚亭山在縣南有
魚亭水俱績溪蕭梁置良安縣唐曰績溪有濠寨巡
流合橫江績溪檢司西北有徽嶺山東有大郭山浙
水出焉亦新安江別源也又龍叢山在東
北有叢山關楊之水出焉流合大鄣山水
徐州大彭氏秦彭城縣漢分沛郡置徐州改彭城
州彭城郡宋徐州魏立彭城郡隋爲徐州改爲郡唐徐
降爲武安州以州治彭城縣省入洪武初復曰徐州

有利國監房村夾溝三驛又有黃河東岸挑山彭城
三馬驛又舊有石山驛嘉靖四十五年革有呂梁洪
巡檢司東有故呂城北有埧城俗曰茶城有雲龍山
亦曰石佛山北有九嶷山俗曰九里山又有索馳峴
又東南有寒山又有呂梁山泗水所經曰呂梁山產鐵
緒土山在西又西南有任山東北有盤馬山大河自
官置鐵官宋利國監亦在山西下又有銅山又大河
河南永城縣流入界東合泗水泗水在東北合大河
而東經百步洪呂梁洪又西有邳州界又睢水在州南
有穀水即睢水支流也又西有高家戍城南有戲馬
臺領縣四自州至南京城一千五百里蕭故蕭縣西北有
治此萬曆五年徙今治有趙家園巡檢司又西有永固
秋廢縣西南有秋陽廢縣又丁公山在南又有永固
山下有永固廢縣元置今為鎮又大河在北有秦縣
舊為汴河所經南有睢水又西北有古紅亭沛有泗
亭驛隆慶元年移夏鎮北有湖陵故城東北有故廣
戚城東南有留城南有大河東有泗河自山東有故
縣流入境又泡河在西薛河在東又北有南山東有
北沙河皆會于泗水又昭陽湖在縣東又西北有沙河

河鎮東北有夏鎮豐漢縣大河在南北有豐水即
又城南有飛雲橋山泡河也東北又有故粉榆社
山秦陽縣後漢曰陽山東南曰陽山其北有芒山與
南有夾河南城縣接界黃河在南雅水又在其南又西
有狐父聚
潞州秦漢九江地晉南譙郡宋新昌郡唐潞洪武初
以州治清流縣省入巡檢司東有故建陽城西有南
蕪城南有瑯琊山西北有西流山清流出水焉合於
滁河清流關在其南又滁水自合肥境流入下流至
六合縣領縣二自州至南京城一百四十五里全
入江秦縣東南有故阜陵城西南有廢豐樂城又九
椒山在東南西北有桑根山又襄水在北南流合滁
水來安唐置永安縣南唐曰來安東北有五湖山下
清流河又東南有石固山又來安水在東東南合
湯河入滁河

和州素原陽縣治此唐和州歷陽郡宋和州元和和州路尋復為

州洪武初以州治歷陽縣省入三年改州為歷陽縣

十四年復為和州有當利馬驛及牛屯河浮沙口裕

城二驛今革東北有烏江廢縣西有故遏胡城又渠

山在南亦曰西梁山與太平府博望山夾江對峙山

下有梁山鎮又西北有鷄籠山六合山又北有夾山

中有夾山閘又橫江在東南南對采石磯亦曰橫江

浦東有楊林渡又有當利浦東北有烏江浦皆大江

別浦也又楊林江在西南即濡須入江之口又南有白

石水又有裕溪河源出巢湖皆南流注江又西有銅

城堰又有麻湖亦曰瀝湖今堙西北有石湖閘又有

斗塢領縣一自州至南京城百三十里舍山晉僑

亢縣唐曰舍山舊有界首驛今革南有廢龍亢城東

北有大峴山北有小峴山之西有故昭關又西有

舍山縣因以名也南有白石山之西有故昭關又西有

濡須山與無為州接界西對巢湖縣之七寶山濡須水

出其間即東關口也又南有三义河

東合裕溪入江縣北又有尉子橋

廣德州吳桐汭秦屬郭郡西漢故郭縣地為廣德國

安縣唐曰廣德縣為宣州太祖得之為府洪武四年

降為州十三年以州治廣陽縣省入有杭村陳陽廣

山又桐水在西北亦曰桐川即古桐汭下流滙丹陽

湖入江亦名白石水又東有苦嶺領縣一自州至南

京城五百里建平宋析廣德縣地置治廊埠鎮有

司今革西南有桐川又有南琦

湖亦謂之南湖接宣城縣界

南京跨據江淮包絡湖海地廣物繁財賦滋殖自昔
號為富庶得其地足以生聚教訓養民致賢語形勝

於東南南其最矣然而江淮以北俗近椎魯土著
而民往往詘於治生其強豪者或習射獵爲奸盜而
富商大賈恒走集其間居積魚鹽乘時射利益兼有
齊楚之風焉自滌以南俗益輕靡類以淫巧相誇尚
而喜巫尚鬼酒食相徵逐至于今不替然好儒術喜
文辭風雅彬彬斯爲盛矣當唐之季楊氏以江淮之
地抗衡中主迄於南唐猶能撫視羣雄宋室不競竄
遯東南而保淮保江偏安者亦復累世元季以江淮
資東南資儲不復達于燕薊日以瘠弱而至于亡
然則

上農未始非強兵廣地之先資也司馬遷

曰吳有海鹽之饒章山之銅三江五湖之利今三吳之地號爲九州膏腴而淮南多耕屯故轍所稱鄣水之利是也明季以降賦重役繁野多曠土亦非復曩時之盛矣昔人嘗言守江不如守淮而守淮南不如守淮北太祖以淮上布衣起濠滁而定金陵遂以經營四方奄定六合其所區畫大抵訪求前謨垂爲定制此包江越淮與兗豫相出入者豈非制馭之大權歟其在天文斗則吳分野